

ШўМ-ЧОН ИЗОЛЫК

МАРИЙ ПРАВОСЛАВНЫЙ ЖУРНАЛ 7-ше (135) №, 2024 ий июль

Йошкар-Оласе да Марий Элысе Высокопреосвященнейший митрополит Иоаннын благословитлымыже почеш



ЮМЫН КЎШТЫМАШЫЖЕ-ВЛАКЫМ ШУКТЕН ИЛЫЗА

Марий Элысе «Православные добровольцы» толкынлан 12 июньшто кандаш ий темын.

Йошкар-Олан да Марий Элын митрополитше Иоанн ты кече вашеш Православий рўдерысе Преподобномученице кугу княгине Елисавета дўмеш черкыште вечерням служитлен. Тудлан Йошкар-Оласе епархийын самырык-влак дене пашам ыштыше пўлкажым вуйлатыше Никита Иванов, толкынын духовникше иерей Никита Смирнов, толкыным вуйлатыше диакон Владимир Лихачев ден протодиакон Михаил Козловский полшенят. Мурым регент Любовь Торощинан вуйлатыме ДоброХор йонгалтарен.

Службо деч вара митрополит Иоанн толкынын енге ден вечерняште лийше калыклан архипастырь мутшым ойлен:

– Христос Ылыж кынелын! Кугече ныллыгече ик кече семын эртен кайыш. Ылыж кынелше Христосын ты Поро пиалан памашыж гыч ме кеч-мыняре йўына гынат, йўын огына тем, молан манаш гын, Кугече куан – тиде Господь пеленысе курымашлык ылышна. Ёмырна мучко шкенам ыреснам нумал ошкылмына годым ойгыраш, Юмылан өпкелаш да шкенам орланен ылыше егыш савыраш огыл манын, тиде духовный куаным шижаш Господь мыланна Кугече кечылаште йўным ышта. Ыресым нумалме деч посна, Голгоф деч посна ылыж кынелмаш огеш лий, сандене ме Господь почеш Тудын ончыктымo курымашлыкыш нангайыше корныж дене кайышаш улына. Тиде



корным кажныже тыште, мландымбалне, эрта, толык иктыже Юмылан чылажланат тауштен ошкылеш, весыже Юмын языкан ылышнам тўрлаташ манын колтымo тўрлў нелылыклан өпкела, тиддене Юмын пуымo кугу чаманымашыж деч шкенжым шке коранда.

Сандене, шергаканем-влак, мыланна шкенам декат, йыр мо ышталтме декат пеш тўткў лийман. Ёмырна мучашлалтмеш Господь мемнан дене пырля. Тудын йўратымашыже нимучашдыме. Мемнан деч иктым гына йодеш: мландымбалне ылымына годым Тудын кўштымашыже-влакым шуктен илаш.



ИК ЕШ СЕМЫН ИЛЫЗА

24 июньшто Йошкар-Оласе Йоча да самырык-влакын усталык полатыштын «Радужный» лагерьыштыже «Возрождение» луман православный смене шке пашажым тунгалын. Тений тудо ешлан полеклалтын, вет еш – Юмын благословитлыме изи черке.

Ты сменым почаш Йошкар-Олан да Марий Элын митрополитше Иоанн миен. Уремеш келыштарыме палаткан храмыште Святой Троицылан молебным служитлен. Тудлан Йошкар-Оласе епархийын самырык-влак дене пашам ыштыше полкажым вуйлатыше Никита Иванов ден протоиерей Михаил Козловский полшенят.



Йоча-влакым архипастырь тений 24 июньлан логалше Святой Шүлышын кечыж дене саламлен да тыге каласен:

– Святой Шүлыш дене кажне чон ылыжын кая да яндарлык дене волгалтеш. Ме чыланат Тынеш пуримо таинствым эртымына годым Черкын капкашкыже пуренна. Мемнам вудыш чыкымекышт, ме языклан колена, а вуд гычын, Святой Шүлыш дене темын, Юмо пелен курымаш ылышлан ямдылалт лектына. Святой Шүлышын апостол-влак умбаке волымо тат гыч святой Черке ешаралтеш, да Витлыгече кечын ме

чыланат Черкын шочмыжым чапландарена. А ме тендан дене шарнышаш улына: Тынеш пуримо жапна гыч тунгалын, колымешкына Святой Шүлыш Юмын храмыштыже да уло сандалыкыште пуртүсым ылыжта да кажныланна ылышым пуа. Святой Шүлыш уке лиеш гын, туддене пырля чылажат пыта. Айдемын чонжо Святой Шүлыш дене волгалтын ила. Лавыран, осал шүмыштыш Святой Шүлыш илен ок керт, вет яндар шуман-влак гына Юмым ужыт.

Лагерь сменыдам ик ой дене, икте-весым пагален да йоратен эртарыза. Юмо «Икте-веседа коклаште йоратымаш улмо дене гына Мыйын тунемшем улмыдам палем» манын каласен. Ушанем: коклаштыда ны сырымаш, ны вурседылмаш, ны коранымаш огыт лий, те икте-веседа поро мутым гына ойледа, а кугурак-влак изирак-шамычлан полшаш тунгалыт. Ик еш семын ылыза, тендан ылышдам Господь Шке эскераш тунгалеш.

Палемден кодена: «Радужный» лагерь Медведево район Сенькан ял воктене верланен. Православный сменыште йоча-влак 30 июнь марте каненят.

Марий митрополийын пресс-службыжо





ЮМО ДЕЧ МОМ ЙОДМАН ОГЫЛ?

Ме, кугыен-влак, Юмым сөрвалымына годым Туддеч мом йодаш лиеш але огеш лий, раш палена мо? Ты шотышто «Боговидец» каналыште священник Максим Каскун шым кангашым пуэн.

– Икымше. Юмо деч сулыкым да тушеч лектын кертше сулыкан пашам йодман огыл. Мутлан, кок каче ик ўдырым йоратен. Иктыже ты ўдырым марлан налын, вара южо самырык ег гаяк туддене пеле-пуле илен. Весыже ушым йомдарыше семын Юмым сөрвален, «Йоратыме егем деч посна илен ом керт» манын, ўдырым тудлан пörтылташ йодын, у ешым шалаташ ямде лийын. Тыге ыштыман огыл. Христианинлан ўнгышемаш күлеш, вет йоратыше ег весылан порым тыланышаш. Мый ик пörъеным палем, тудат самырыкше годым чылт тыгеак шкет кодын. Икмынар жап ойгырен коштмеке, ик палыме ўдырым марлан лекташ йодын, тыгодым шкеж дене мо лийме нерген тудлан чыла чыным луктын каласен. Коклаштышт ваш йоратымаш лийын огылат, икымше идалык нелын эртен, вет пörъенын чонжо весын ватыж верч йүлен. Но йочашт шочмеке, азам ыштыме пörтыш налаш миен да, икымше шочшыштым нумал лекше самырык ватыжым ужын, шүмжө лектын вочшашла күлткаш тўнгалын. Коклаштышт тугай кугу йоратымаш шочын, уло илышыштым волгалтарен. Сандене сулыкан кумылшупшмаш почеш кайыман огыл. Илышыште Юмын эрыкше шукталттым йодман.

Кокымшо. Юмо деч тыгак пеш күкшө христиан ўнгышылыкым, кугу йоратымашым йодман огыл. Тыгайлан шукыштын духовный негызышт ок сите. Христиан ўнгышылыкым йодшо ег мыскылым, ўлык шындымым, чапым волтым ласкан чытышаш, а кө тидым ыштен кертеш? Лушкыдо койышан айдеме тидым умбакыжат йодеш гын, тудым тергаш ятыр ойго пуалтеш, сандене вара Юмылан ўшанымашым йөршын йомдарен кертеш. Подвиглан кертме семын ямдылалташ күлеш, тунам Юмын польшат жапыштыже толеш.

Кумшо. Тыгак шке кумылшупшмаш шукталттым йодман огыл, вет шукыж годым тудо Юмылан келшыше огыл, шкаланат энгекым конден кертеш. Ме тачысе кече дене илена, а

Юмо ончыкыжым мо лийшашым пала, мемнан шотышто Тудын шке планже уло. «Юмо, тидлан тыйын эрыкет уло гын, йодмем шукталтше» манын кумалман. Иктаж кугу арверым але чапле маркан машинама тидман огыл. Налаш кумылет да йөнет уло гын, батюшка деч благословенийым йод – тунам чылажат сайын эрта.

Нылымше. «Сулыкым ыштымемлан, Юмо, мыйым наказатле» манын ойлыштман огыл – тиде Юмым жаплыдыме дене икте. Шке ыштыме сулык верч чот окыныман да Юмо деч прощанийым йодман. Көм наказатлаш але наказатлаш огыл – Юмо тидым Шке пала. Наказатлымыже кунам да могай лиеш, ме огына пале. Шкеже изи наказанийымат чытен она керт, сандене ыштыме йонгылышнам кунар-гынат шөраш, тёрлаташ тыршыман. Сулыкна дене көлан ойгым конденна, тудлан полшаш Юмым йодман. Саде ег өпкем ынже кучо манын, тудлан иктаж-мом порым ышташ тыршыман.

Визымше. Шкалан колымашым йодмаш – тиде кугулушкыдылык да сулык. Мыланна кунам шочаш да колаш пүралтын – тиде Юмын эрыкыштыже. Илышыште ўшаным йомдарымашке шуынат гын, шинчатым сайырак поч, йырет ончал, шоналте. Мо тыйым тыгайыш шуктен? Шкеак огыл мо титакан улат, кузе тидым тёрлаташ лиеш? Корнат ятыр, Юмо деке мяш омса шуко. Шочашет пүрымыж годым Юмо тыланетат могай-гынат моштымашым пуэн, тудым кучылт. Ик вере күлдымыш лектынат гын, вес вере тыйын толметым вучат, тый але ятыр еглан полшен кертат.

Кудымшо. Юмо деч шуко оксам, поянлыкым, чапым йодмаш – тиде преступлений дене иктак. Ег-шамыч кызыт илышыште тёрлө рольым модмо семын илат гынат, ны окса, ны поянлык, ны чап мемнан илышын негызше огытыл. Поянлыкым тўн верыш шындаш төчымашат чын огыл. Неле жапыште Юмо деч польшышым йодман, Юмо тудым ег-шамыч гоч колта.

Шымше. Адакшым, коршанге семын пижедылын, уто гана йодаш сай огыл. Святой праведный Иоанн Кронштадтский тидын шотышто тыге каласен: «Тыланет мо күлешым Юмо деч кугу ўшан да чот шокшын ик гана йод, тунам тыйын молитват Юмын престолжо марте шуэш. Күлеш жапыште йодмет шукталтеш, кунам тый шкежат тидлан ямде лият». А кызытсе йодмашет-шамыч огыт шукталт гын, ит ойгыро. «Тугеже нуно Юмылан йорышө огытыл» манын шоналте да лыплане.

Господь Иисус Христос каласен: «Эн чот Юмын Кугыжанышым да Тудын чынжым кычалза, тунам чыла тиде тыланда пырля пуалтеш» (Мф. 6:33). Тугеже ме, икте-весылан полшен, ты Кугыжанышым шкенан да лишыл егын көргыштыжө кычалаш тўнгалына, тунам мольжат мыланна пуалтеш. Юмын Кугыжаныш нерген мондена, а ойго толмо годым Юмым сөрвалена гын, могай ме христиан улына? Чаманыше Ача семын Юмо эреак лишне лийже манын, Тудын дене кеч-кушто да кеч-кунамат молитва гоч мутланаш күлеш.



ЛАУРЕАТ-ВЛАК – СВЯТОЙ ВЕРЛАШТЕ

Морко районышто эртаралтше усталык конкурсышто икымше марий сотемдарче, священник Гавриил Яковлевич Яковлев лүмеш премийым икымше сулен налше участник-влак Волжск ден Шернурын епископшо Феофанын благословитлымыж почеш Российын святой верлашкыже миен коштыныт.

Унчо школын шым тунемшыжлан да туныктышо Р.Н. Петровалан тыгай пиал шыргыжалын. Марий йылмым туныктышо Р.Н. Петрова да туныктымо пашалан вуйын шогышо Э.В. Григорьева дене пырля вич тунемше: Марья Оразаева (9-ше класс), Лилия Александрова (8-ше класс), Максим Степанов (8-ше класс), Ольга Сидорова (7-ше класс), Евгений Александров (7-ше класс) – Владимир областысе Муром олаште паломник семын лийыныт.

Тиде олаште тале руш патыр Илья Муромец шочын, Ока энгер воктене тудлан чапкүм шогалтыме. Тудо поро пашаж дене ойыртемалтын, начар ылыше-влаклан полшен, шке шочмо элжым тушман деч арален. Муромышто кум монастырь уло: Троицкий ўдырамаш монастырь, Благовещенский монастырь, Спасо-Преображенский пörьен монастырь.

Ешын символжо, Муромысо поро кумылан святой князь Пётр ден тудын пелашыже Феврониян Свято-Троицкий ўдырамаш монастырьыште мощышт аралалтеш. Нуно шуко ий ваш-ваш йоратен, пагален иленыт, ош тўня дене ик кечыштак чеверласеныт. Православный верам кучышо-влак нуным сөрвален кумалыт. Лүмешышт чапкүм шогалтыме.

Муромын святой князьше Константин да тудын Михаил ден Федор эргыже-влакын мощышт Благовещенский монастырьыште аралалтыт, тыштак Юмын Аван иконыжо уло. Памаш вўдыштö чывыалташ лиеш. Тўрлö пеледыш, пушенге, кушкыл, тўрлö сынан чыве, цесарке чот öрыктарышт, чылажат пеш мотор.

17.06.2024. Корнына Муром ола гыч Владимир областысе Матвеевка ялыш шуйналте. Тушто «Скит Покрова на Колпи» верланен, Морко вел ўдыр-влак илат. Пеш кугу тау тукым

ака-шўжар Марина ден Алилан (скитысе лўмжö Елизавета) мемнам поро кумыл дене вашлиймыштан. Кочкыш олесе ресторан дечат тамле ыле! Чеверген шушо кугымöрым тыште кочна. Колп энгерым ужмына дене кугешнена, тудын вўдыштыжö йўштыл лекше-влак вийым налыныт манын ўшанена. Ончен кошташ пеш онгай ыле. Тоштерышт уло, ожнысо славян йылме дене возымо кўжгö кок книгаг кучен ончышна. Паласым куымо стан шога, Маринан кочажын пу гыч ыштыме пўкенжымат ужна. Тудым Морко кундемже гыч конден. Пакчасаскам ончен куштат, ушкалым ашнат, телылан шудымат ямдылат, ишакыштат уло. Кум кугу пий йолташышт скитым оролаш полшат, көгöрченым ашнат. Икманаш, пашам тыршен ыштыше еш. Ик ой дене келшен ылыше кандаш матушкалан тазалыкым тыланена.



18-19.06.2024. Паломник корнына Угарман кундемысе Дивеево селаш виктаралте. Паломнический унагудышто верланышна, памаш вўдеш чывыалтна. Эрлашыжым Серафимо-Дивеевский ўдырамаш монастырьыште лийна, тушто святой преподобный Серафим Саровскийын куатше улмым пален нална, Юмын Аван корныж (Канавке) дене ошкыл эртышна. Куэ тўнгеш маскан чурийже кузе шочын шичме историй денат палыме лийна, айдемын шўмжö сўретымат ужна. Монастырьын кумдыкшо пеш кугу, чыла вере



арулыкшо дене ойыртемайтеш. Түрлө пуштыгым, олмапум, саскам пуышо шуко кушкылым куштат. А пеледышыже могай гына уке! Ончен чон куана.

19.06.2024. Экскурсий корнына дене Угарман кундеммысе Цыгановка ялыш толын шуна. Тыште йүштө памаш вүдеш чывылатна, яндар памаш вүдым атылашке нална. Вүдшө яндар-яндар, вошт коеш.

19.06.2024. Мөнгө велыш толмо корныштына Угарман кундеммысе Суворово ялысе Юмын Аван лүмеш черке логале. Дивеево села гыч 15 менге лиеш. Тушто преподобная Евдокия ден Дарьян, Дарья ден Мариян мощышт уло. Нуно, Юмын пуымо мастарлык дене пайдаланен, черле-влакым эмленят. 1919 ий августышто ош тўня дене чеверласеныт, ныл егын капшым пырля тоеныт. 2001 ий августышто нунын мощыштым черкыш кусареныт.

19.06.2024. Экскурсий корнына мөнгө велыш шуйналте. Тыгодым öрыктарыше сўретым, висвис дене леведалтше олыкым, ужна! Ончен куанет!

19.06.2024. Экскурсий корнына мучашлалте. Угыч Морко районысо Арын черке ончылно улына. Арын черкын настоятельже Николай ачалан, Шиньша черкын настоятельже Евгений ачалан тўням ужаш луктын коштыктымыштлан, мемнан верч чот тыршыше Елена Александровна Паниналан, корнынам кўчыкемдыше, онай шомак-влак дене куандарыше, корно мучко каласкалыше, тыгодымак мемнан верч тургыжланыше поро да весела Денис Вячеславович Смирновлан, фото-влакым шке жапыштыже войзен шогышо «Морко мланде» газетын тўн редакторжо Анатолий Анатольевич Титовлан моткоч КУГУ тау!!!

Морко районысо тунемме пöлкан методушем-жым вуйлатыше Светлана Леонидовна Александровалан районысо мариий туныктышо-влак лўм дене кугу таум каласена. Кўчык жапыште тора кундеммым да моткоч шуко онайым да öрыктарышым ужын кошташ йöным ыштыше-влаклан чыла лўм дене тауштена. Коллеге-влаклан, пырля экскурсий корно дене коштшо-влаклан, йоча-влаклан, автобусым вүдышö-влаклан кугу деч кугу тау! Кугезе коча-кованан пöлеклен кодымо мариий йылмынам аралена да аралаш тўналына!

Римма ПЕТРОВА



А ЧОНЫМ ИКТАЖ ГАНА УЖЫНДА?

Ик врач шонго священник деч йодын:

– Батюшка, тендам чон (духовный) кўтүчö манын лўмдат. А чоным иктаж гана ужында?

– Уке, – вaшешта священник.

– Тудым колында?

– Уке.

– Ала тамлен онченда?

– Уке.

– Могай ўпшан улмыжым ала паледа?

– Уке, ўпшыжымат ом пале.

– Тугеже тудым шижынат огыдал?

– Кузе тыге? Шижынам!

– Тендан вич шижмашда кокла гыч иктыже гына чон нерген мом-гынат изиш ушештара, – кугешнен ойла врач. – А те эше «Чон уло» манын ойледа!

Священник тудым колыштешат, изиш шоналтенрак йодеш:

– Тый врач улат?

– Врач, – öреш тудыжо.

– Тугеже мылам каласе: корштышым иктаж гана ужынат?

– Уке.

– Тудым колынат?

– Уке.

– Ала тамлен онченат?

– Уке.

– Ала ўпшыжым палет?

– Уке.

– Шижынат отыл?

– Эше кузе шижынам! – ылыж кая врач.

– Лектеш: вич шижмашет кокла гыч иктыже гына корштыш нерген мом-гынат изиш ушештара.

Врач мом туштен каласымым умыла да тауштен лектын кая.



Кенез – святой верлашке миен толаш путырак йӧнан жап. Ярагысе чудым ыштыше преподобный Матфей ачанан кызытсе пагытысе польшыж нерген Советский район Шудасола ял гыч милосердий шўжар Любовь Дмитриевна Каравалева каласкала.

– Ачан, Эргын, Святой Шўлышын лўмеш. Аминь.

Яраг олаште чудым ыштыше Матфей ача улмо нерген авам деч изиеш годымак колынам. Шкеже 1957 ийыште шочынам, ешыште 10-шо йоча лийынам. Ачамым ом шарне, тудо Кугу сар гыч пел йолан толын да 1960 ийыште колен. Ешна кугу, озанлыкыште паша шуко. Чолак гынат, ачам шкенжым чаманен огыл, авамлан чыла пашаште полшен, сандене шўмжӧ чытен огыл – 19 январьыште, кугу пайрем кечын, – кырымым чарнен. Господьын Тынеш пурымо кечыже мыланна эше ачанам порын шарныме кечыш савырнен, ўмыржӧ мучашке шумеш авам тудым эре поминаен, мыланнат тыгак сугыньлен.

Аваланнат шуко неле-йӧсым ужаш логалын. Тудо эрдене кум шагатланак кынелын да юмоҥашамыч ончылно шке семынже кумалын, Юмын Авалан чылаж верчат таум ыштен, Николай Чудотворец деч польшыым йодын. Ярагысе Матфей ачанам тунам эше святой ликыш пуртен огытыл ыле гынат, авам тудым эре сӧрвален.

Ий-влак эртенят. Мыйын эргым Пермь олаште военныйлан тунем лекте. Лейтенант званий дене Чебоксарыште служитлаш тўнгалын веле – ик тылзе гыч тудым Чечняш колтышаш улыт ыле. Мый тудеке уналыкеш мийышым. Эргым икымше тичмаш пашадарже дене мылам шашке (норко) коваште гыч ургымо упшым налын пӧлеклыш. Мӧнгӧ толын каяш тудлан кум кечым пуэнытат, Йошкар-Олашке попутный машина дене кудална. Юл энгерым вончырек, чонемлан чот йӧсӧ лийын колтыш, уло йўкын шорташ тўнгалым. Шофӧр ӧрын онча, а эргым тунам пенгыдын каласыш:

– *Авий, мыйын верч шортметым чарне. Чечняште мыланем ик салтакымат йомдараш огыл, чылаштымат мӧнгеш илышым пӧртылташ манын, чот кумал, Юмо деч польшыым йод, вет нунын ача-аваштат тыгак шортыт. А тый святой верлашке кошт, милостыньым пуэде.*

Тунам тўрлӧ вере коштынам, Матфей ача деке индеш гана миенан. Икымше гана Ярагыш миен

МАТФЕЙ АЧАЛАН ЕШГЕ ТАУШТЕНА

шумо годымак шорташ тўнгалынам, черкыштат, тудын шўгарыштыжат эре шортынам. Вес гана мийышем годым Кострома гыч толшо илалше ўдырамаш-шамыч улыт ыле. Нуно коштын кертдыме йолташ ватыштым носилка дене конденит, верысе священник деч разрешенийым йодын, тудым жапын-жапын Матфей ачан шўгар ўмбакеже пыштеныт. Кум кече тыге ыштымекышт, черле ўдырамашет паремын, кынел шогал кертын да кошташ тўнгалын.

Тудо кечынак эше вес чудо лийын – шинчавўд йогымо гай койын, Матфей ачан пушенгыж гыч миро лекташ тўнгалын. Кострома гыч толшо кова-шамыч корштышо капыштым йыгеныт, а мый ӧрдыжтӧ шогенан. «Тыйын моч коршта?» – йодыныт нуно. «Чонем пеш коршта!» – каласенан мыйже, вет эргым Чечнясе сарыште лийын, а тушто кажне кечын шуко мемнан салтак пытен. Ўдырамаш-шамыч тунам мыланем миром шўм воктеке йыгаш кўштеныт. Вич тылзе гыч эргым сайын-тазан пӧртылын, тудын намиен коштыктым чыла рвезат илыше пӧртылын, икте гына сусырген улмаш. Вашлиймына годым эргым эн первыак каласыш: «Авий, тау тыланет!» Матфей ачан кумалмыжлан, чот полшымыжлан ўшанен, тудлан уло чон дене таум ыштенам. Эргым тунам 22 ияш ыле, а тудын салтакше-шамыч – 18-19 ияш гына!

Матфей ачан польшыж дене кылдалтше чудо мемнан ешыште ятыр гана лийын. Икана шўжарем пеш чот черланен, логарже пуалын. Кугу температур дене орланен гынат, вашкеполыш машинаш ўжаш чарен. Мый тудлан святой вўдым йўктенам, а тушкыжо Матфей ачан шўгарже гыч кондымо рокым изиш шавалтенам. Тудо кастанак шўжарем, чот кокырен, вўран руным шўвал кудалтен, а эрденылан йӧршын паремын, нимогай температурат лийын огыл.

Эргым ден йолташыже, кок самырык лейтенант, Чебоксарыште ик ўдырамаш деке пачерлан пуреныт. Унала мийышем годсо йўдым пўем коршташ тўнгалын. Чылан малат, а мый пўй корштымо дене шкаланем верым ом му, мом ышташат ом пале. Матфей ачан шўгар ўмбакеже намийыме насовикем пеленем улмым шарналтенам да шўргӧ йымакем пыштенам, иктаж коло минут гыч ласкан мален колтенам.

Шукерте огыл кресўдырем йынгыртен да шортеш: пачерым пуаш сӧрен, нунын мландешышт у пӧртым чоненыт. Чонен шуктеныт да пачерым огыт пу, кум гана суд лийын гынат, нимом ыштен огыт керт. Верховный Суд деч ончыч Матфей ачам сӧрвалаш Ярагыш миен толынна. Тылеч вара эртыше судышто кресўдыремлан пачерым пуаш пунчалым луктыныт.

Господь, Тыйын пашат-шамыч чот ӧрыктарыше улыт! Преподобный Матфей ачана, Ярагысе чудотворец, мемнан верч Юмын сӧрвале.

А. Чеменова возен налын



ЙОЧА-ШАМЫЧЫН ЮМЫЛАН СЕРЫШЫШТ

– Колымекем, мый ны райыш, ны тамыкыш ынем логал, Тый декет веле кайынем (Вера, 3-шо кл.).

– Молан йорло-шамыч черке воктен күчен шогат? Көн пуымыжым Тый пале манын шонат докан (Ира, 2-шо кл.).

– Тый улат манын, тенгече школышто каласенят. Тугеже Тыланет кугу салам (Леня, 3-шо кл.).

– Господь, айда тыге кутырен келшена: мый Тыланет ўшанем, а Тый – мыланем (Ляля, 2-шо кл.).

– Ен-шамыч мландымбалне тынар орланат, а тамыкыште тылечат уда мо (Радик, 4-ше кл.).

– Юмем, а чоным Тый мыланем шкемыным пуэнат але иктаж весыным (Стасик, 2-шо кл.).

– Поро Юмо, Тый тыге ыште: ковам гыч тўнгалын, слон марте чылан пиалан лийышт, ен-шамычлан чияшат, чылаштан кочкашат лийже (Тоня, 2-шо кл.).

– Йомшо пижергем муат гын, мылам пөртылтө (Аня, 3-шо кл.).

– Кунам омем дене шортынам, мо нерген Тый денет ойленна, шарнет мо, Юмо (Игорь, 3-шо кл.).

– Мыйын иктаж-моэм коршта гын, Тый мыланем ала-молан сыренат, шонем (Гога, 4-ше кл.).

– Чон-шамыч могой йылме дене ойлат (Рая, 4-ше кл.).

– Молан ме вес ылыш гыч тиде ылышыш толынна (Руслан, 2-шо кл.).

– Южо енже мландымбалне ила, а шкеже кечым тошка (Аня, 2-шо кл.).

– Тый тўрлө пеледышыжым айдеме-шамыч деч сылныракым ыштенат (Галя, 4-ше кл.).

– Пушенге вуй деч кўшнө чонештыл кошташ Тый мыйым мардежыш савыре (Славик, 3-шо кл.).

– Йоча-шамычын шке Юмышт лийшаш, тугай поро да сай Юмиге (Саша, 3-шо кл.).

– Шошым шып кастене каваште шўдырым чўктымекет да мландымбаке леве мардежым колтымекет, мыйын шортын колтымем шуэш (Наташа, 2-шо кл.).

– Але изи улам, кумшо классыште тунемам, сулыкем эше уке, но эркын дене погынат (Ева, 3-шо кл.).

– Молан мландымбалне ныжылгылык уке (Лена, 1-ше кл.).

– Тўнямбалне чылан пиалан лийышт манын, мыланем кузе ылыман (Лиза, 2-шо кл.).

– Ен-шамыч Тыйым ала огыт йөроте, а лўдыт гына (Руслан, 2-шо кл.).

– Илыш молан кўлеш? Кўлеш гын, ен-шамыч молан колат (Костя, 2-шо кл.).

– Молан Тый мландымбалне тўн верым айдемылан пуэнат (Олег, 4-ше кл.).

– Кузе шарнымашыш савырнаш (Миша, 4-ше кл.).

– Самырык годым сайын да пиалан лийын ылынем, а шонгемам гын, пиалжат сита (Вера, 3-шо кл.).

– Көн ўмбақ ончалам, тек чылан шыргыжыт (Тима, 2-шо кл.).

– Юмылан ўшаныше-влак коклаште ўшанышыже шуко уло мо (Зоя, 4-ше кл.).

– Ен-шамыч ўмбаке санга йымач ит ончо (Юра, 3-шо кл.).

– Мом Тый дечет йодаш шонем, Тый тидым Шкеат сайын палет (Алик, 4-ше кл.).

– Чыла енлан порылыкым пу (Катя, 2-шо кл.).

– Каваште ковам ден кочамын чурийыштым ончыкто, тек нуно мылам шыргыжалыт (Кира, 4-ше кл.).

– Мыланем ылышым пөлекле (Стасик, 1-ше кл.).

– Тек кажне айдеме пиалан лиеш, тунам нуно осал огыт лий (Вася, 4-ше кл.).

– Йоча пөртлаште ылыше йоча-шамычлан сай ача-авам муаш полшо (Даша, 4-ше кл.).

– Чыла енлан порылыкым пуэде (Катя, 2-шо кл.).

– Ен-шамычым сулык деч огыт, а йөршын шкет уло деч утаре (Сергей, 3-шо кл.).

– Мый почеламутым возenam да нигөлан ончыктен омыл, вожылынам. Но Тыланет, Юмо, ончыктем. Теве тыге лектын:

Кугыен шинчавўд ден(е) шортеш,
Кугыен шинчаж дене шортеш,
А йоча шортеш шўмжө дене,
Йоча шортеш ылышыж дене.
Шортеш гын кугыен йоча семын,
Тудо чынак шортешыс тугеже (Марик, 4-ше кл.).

– Ешем дене шўгарлаште лийынам да ик памятниклан чот орынам. Кугу шем кў киен, а тушто «Авай» мутым гына возымо (Ваня, 4-ше кл.).

– Господь, ит лўд, мый Тыйын пеленет улам (Андрей, 1-ше кл.).

– Палет, южо енын шўмжым петыртыш дене петырыме (Ольга, 3-шо кл.).

– Кажне эрдене тенгечысе кечым тоем, вет тудо мый дечем йөршешлан каен (Аркадий, 3-шо кл.).

– Молан Тый ешлан шаланаш эрыкым пуэт, тиде йөршын Юмын семын огыт (Галя, 3-шо кл.).

– Южо енже волгыдо кече гай огыт (Арина, 3-шо кл.).

– Юмо, пеленем Тыйын улметлан көра чот кугешнем (Катя, 2-шо кл.).

ЮМЫН АВА СӨРВАЛЫМЕМ КОЛЫН!

21 июль –

Юмын Аван Казанский иконыжым мумо кече

Тиде 1990-ше ийла тўналтыште лийын. Школым тунем пытарымекем, ковам мылам изи юмогам кучыктыш. Тушто Юмын Авам сўретлыме ыле.

– Ковай, юмога дене мом ыштем? Классыште комсорг лийынам, латкум ияшак райгазет дене кылым кучаш тўгалынам. Уста тунемше-влак, передовик-шамыч нерген статьям возкаленам. Райком секретарь деч ик гана веле огыл интервьюм налынам. Тиде юмогажым куш шындем? Йолташем-влак воштылаш тўгалытыс?

– Ты юмога ешланна шуко гана полшен. Аватым йочаж годым шуко чер деч эмлен, кочатым шояклен титаклымылан кўра казаматыш петырыме деч утарен. Жап шуэш, тылатат тудо кўлеш лиеш. Тый шкеак Юмын Ава, Тудын Эргыже да святой-влак деч польшышым йодат вара, – каласыш ковам.

Ковамын кумылжым волташ огыл манын, юмогам налым, но пўлемышкем кайышым да шкатулкышкем пыштышым. А шкеже экзаменлан ямдылалташ пижым, вет пешакак Москосо М.В. Ломоносов лўмеш кугыжаныш университетыш журналистлан тунемаш пурынем ыле. Чаманем, но тиде ийын студент радамыш логал шым керт.

Ик ий гыч адак туштак пураш тўчышым. Ты ганат конкурс пеш кугу ыле: ик верыш – кандаш ен! Тунам 14 баллым погаш кўлын, а мый ик баллан шагалрак погенам. Приемный комиссийыште шинчыше ўдырамаш анкетем ден пашам ыштыме нерген книжкамым (мыйын тудыжо лийын, вет школыш коштмем годым райгазетыште курьерлан да спецкорлан пашам ыштенам) ончал лекмекше, «Документым налаш але заочный отделенийышке йодмашым возаш ит вашке, 13 балл денат пураш лиеш» манын каласыш. Тиде секретым ойлымыж дене тудо университетын правилжым пудыртен, но тудын гаяк лўман улмемлан кўра мылам ойлен.

Тунемаш пурымо нерген спискым ыштымешкышт икмыняр кече кодын ыле. Нине кече-влак мылам ик курым гай чучыныт, мый пеш чот ойгыренам, тургыжланенам. Тунам шкатулкышто кийыше юмога нерген шарналтышым. Мом шонем, кузе моштем – чыла Юмын Авалан каласышым:

– Мыйже вес ий мартеат вучалтен кертам, но университетыш пурыдымемлан авам ден ачам ойгырымышт дене черланен кертытыс. Авамже эре шортеш, йолташет-влак кокымшо курсышкат кусненыт, а тый абитуриентак коштат, тыге марлан кайыдеат кодат, манеш. Юмын Ава, университетыш тунемаш пураш полшо мылам.

Юмын Ава сўрвалыме колын! Икымше курс студент-влаклан ямдылыме пайремыште мый куанымем дене воштылынамат, шортынамат, пырля мийыше ачам ден авамым, изи шольымым ондалынам.



Чаманен каласыман – Юмын польшыжо пеш вашке мондалтеш. Мыят Юмын Авалан тауштымо олмеш ковамын юмогажым адакат шкатулкышкем поген пыштышым. Йолташем-влакын «Кузе тыгай престижный вузыш пурен кертынат?» манын йодмыштлан, кугешнен, «Шуко тунемынам, газетлаште савыкталтынам, эсогыл Рўдў телевиденийыште самырык-влаклан лектын шогышо передачыште мыйым ончыктеныт, сандене пурен кертынам» манын ойленам. Юмын Аван тыгай чудым ыштымыж нерген мутымат луктын омыл. Шкемым гына виянлан, чыла ыштен кертшылан шотленам.

Тиде юмога шкатулкыштем эше ик жап кийыш. Тунемаш пурымем деч вара кум ий гыч гына Туддеч адакат польшышым йодым. Ты жаплан мый марлан лектынам да йочам ыштенам ыле. Ўдырем таза шочын, пеш ласка лийын: кочкеш да мала. Пошкудо-влак эсогыл «Азатше шортын мошта мо кеч? Йўкшат ок шокто?» манын, ўрын йодыныт.

Кок тылзаш улмыж годым ўдырем трукышто черланыш. Могыржым шўн шупшеш, а вараже шўлымыжымат чарныш. Йўра эше ты жапыште авам пеленем ыле, вигак вашкепольшышым ўжыктыш. А мый падырашемлан искусственный дыханийым ышташ тўчышым да монь, но чылажат арам. Азамым онем пелен пенгыдын ўндак кучымекем, шкатулкыштем кийыше юмога нерген шарналтышым. Юмын Авам луктын, утен каен шортын колтышым. Шортмо лугычак Тудлан ойлаш тўчем, изи ўдыремым чаманаш да ылышым кодаш сўрвалем. Трук тиде жапыште ўдырем шортын колтыш. Тудо ылыже, шўла!

Ты жапыштак пачерышкына вашкепольшыш бригаде пурыш. Врач азамым ончал нале да мыланна эмлымверыш каяш темлыш:

– Тыге шўн шупшмо да ик тат шўлыдымылан кўра азан вуйдорыкшо эмганен кертеш, тудым келгынрак шымлаш кўлеш.

А мый тўнгын шогалынам: ик кидыштем – аза, весыштыже – юмога.

Вашкеполыш машинаш шичмекна, врач деч йодым:

– Кызытсе жапыште вашкеполышым вучен шукташат огеш лийыс, те кузе тыге писын толын шуда? Вет тендан дека йынгыртыме деч вара кок-кум минут гына эртыш?!

Пошкудо пörтыш вашкеполышым ондален ўжыктеныт улмаш, сандене машиналан мемнан дека икмыняр метрым гына кудалашыже күлын. Врачын вашештымекеже, мый раш паленам: тиде нимогай келшен толмаш огыл, тиде мыйын сөрвалымем Юмын Ава колын да полшаш вашкен.


Юмылан тау, шымлалтмеке, мыйым куандарышт, ўдыремын анализше сай, сандене ме эмлымверыште кужу жап ышна кий. Эмлыше врачом деч тунам «Ончыкыжым эше тыге лиеш гын, мом ыштыман?» манын йодым. А тудо шонен шогыде вашештыш:

– Аза-шамыч дене ала-моат лийын кертеш. Вашкеполышым ўжыктымыдакечынэмлымверыш тендан семынак черланыше эше икмыняр азам конденыт ыле. Мо нунын дене лийын, ойлаш ом тўнал, но тольык каласем: тендан гына чыла сай. А ончыкыжым нимо ынже лий манын, йочадам тынеш пурташ темлем. Илышнат, тазалыкнат – Юмын кидыште.



Ме, жапым шуйкалыде, ўдырнам тынеш пуртышна. Тиддеч вара Юмын Аван Казанский иконыжо шкатулкиштем огеш кий, тудым йытыран эн мотор лукеш шогалтенам. Чаманем: ковам деч юмонга нерген рашрак йодыштын омыл да ковамланжат таум ыштен шуктен омыл. Вет тудо чыным каласен: «Жап шуэш, тылатат тудо күлеш лиеш. Тый скеак Юмын Ава, Тудын Эргыже да святой-влак деч польышым йодат».

Александра ГРИПАС



ЮМО МЫЛАННА ЧЫЛА ЧОНАНЫМ ЙÖРАТАШ ДА ЧАМАНАШ СУГЫНЬЛЕН

Кугу пушентге йымалан изирак тулотым ылыжтен, шонго монах ден инок шыпак мутланен шинченыт. Тыгодым пушентге укш гыч тулыш кишке пуренгаен. Шонгыен ты чонаным чаманен, эгертен коштмо тояж дене писын удырал луктын. «Мыняррак когарген шуктен?» умылаш манын, кишкым тояж дене лишемден ончалын, а тудыжо утарышыжым чўнггалын. Корштышлан көра монах кычкырал колтен да шижде тояжым шупшылын, кишке уэш тулотыш логалын. Шонгыен тудым угыч шўдырен луктын, но ынде лишке лийын шымлен огыл. Тидым ончен шинчыше самырык инок öрын йодын:


– Утарыме кишкет тыйымак чўнгале вет. Тул гыч кокымшо ганаже молан тудым луктыч? Адак чўнгал кертеш манын, шыч лўд мо?

Духовный илышлан туныктышо ег ласкан вашештен:

– Тудо мыланем лўмын ўчим ыштен огыл. Лўдмым да корштымым шижше кеч-могай кишкат чўнгал кертеш, вет нунын пўртүс негызышт тыгай. Тудын чўнгалмыжлан көра мыят шке христиан умылымашем деч кораншаш омыл. Юмо мыланна чыла чонаным йөраташ да чаманаш сугыньлен. Осалым ыштышылан осал дене пörтылташ күштен огыл, кертме семын полшаш да порым ышташ каласен. Мый скеат титакан улам, тўткырак лияш күлмө нерген монденам, вет ончыч шоналтыман да ушанрак лийман ыле.

Самырык инок але пеш чытамсыр лийын, енын осалжылан скеат тул гай ылыжын. Шонго монахын поро койышыжым ужын, ушан мутшым колыштын, шке семынже шоналтен:

– Тугеже, енын могай улмыжым ончыде, мыланемат шкемым кучаш тунемман. Тиде духовный ачам гай поро лийын ом керт гынат, кеч изишак тыршыман. Тудо чын каласыш: осал енге деч садак шекланаш күлеш!



КРЕСТНЫЙ ХОДЫМ ВАШЛИЙНА

Юмым шочыктышо поро Эн Яндар Ёдыр,
Утарышым ончен куштышо ныжыл Ава.
Мыланнаже илыш корным виктарыше Шўдыр,
Поро чонжо – нимучашдыме канде кава.
Йўлесола калык вучен тый денет вашлиймашым,
Тичмаш кинде-шинчалым Тылат шуялта.
Ит кудалте, арале мемнам, сулыканым.
Тек кажне ег, кажне чон Тыланет тауштенак ила.
Ольга ТИМОФЕЕВА

Адак ик ий эртале шиждегече.
Рошто, Крешене, Кугечат эртен.
Пўртўс сьлнештын, ужаргалын,
Да кайык муро йырымваш шарлен.
Каваш нўлталтше чевер кече,
Йолважым мландымбаке шуялтен,
Мемнам вўчка да пуйто ойлынеже:
«Вашлийза Крестный ходым, ушныза вашкен!»
Кўчыкэгер ялнан эн сьлне верыш,
Юмын Аван Казанский черкыже воктек,
Ме лектына, кинде-шинчалым налын.
Юмын Авам вашлийна, порын, пагален.
Почеламут Кўчыкэгер ял гыч

ТЕК КОРНЫЖО СЫЛНЕ ЛИЕШ

Памашола Вончўмбал –
Мотор ял, моткоч сўрал,
Вет ий еда Юмын Ава
Ялнам Шжежак благословитла.
Крестный ходым вашлияш
Теният ямдылалтынна.
Юмын Аванан корнеш
Ош висвисым шаренна.
Ялыш лишемше Крестный ходшо
Кужу кутышын шуиналтеш,
Молитвам мурымо сьлне йўкшў
Чанг йўк семын йонгалтеш.
Уло калык Юмын Авалан
Вуйым савен кумалеш,
Ял вуйысо ош куэже
Парчажым рўзен кодеш.

Лариса ЯКОВЛЕВА



ПН	ВТ	СР	ЧТ	ПТ	СБ	ВС
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31	1	2	3	4

🟡 - пища с растит. маслом
 🟠 - пища без растительного масла
 🟢 - разрешение на рыбу
 🟣 - скоромная пища без мяса
 🟤 - разрешение на икру
 🟡 - разрешение на вино
 🟠 - воздержание от пищи
 🟢 - сплошные седмицы
 🟣 - постные дни
 🟤 - особое поминовение усопших

2 – Апостол Иудан, Господьын изажын, да Москон патриархше святитель Иовын кечышт.

3 – Святитель Гурийын, Озангысе архиепископын, кечыже.

6 – Юмын Аван Владимирский иконыжын кечыже.

7 – Христос ончыч толшо да Тудым Тынеш пуртышо святой Иоанн пророкын шочмо кечыже.

Россий мландыште волгалтше чыла святой-влакын кечышт.

ИЮЛЬ. ЧЕРКЕ ПАЙРЕМ

8 – Муромысо князь Петр ден княгиня Феврониян кечышт.

9 – Юмын Аван Тихвинский иконыжын кечыже.

11 – Юмын Аван «Троеручице» иконыжын кечыже.

12 – Апостол-влак коклаште кугурак Петр ден Павелын кечышт.

13 – Чыла моктымо да чапле 12 апостолын погынышт.

16 – Святитель Филиппын, Москон да уло Российын митрополитшын, кечыже.

17 – Святой Николай кугыжан кугу орлыкым чытыше ешыжым шарныме кече.

18 – Преподобный Сергей Радонежскийын да Юмылан йӱрышӧ чот орланыше кугу княгиня Елисаветан кечышт.

21 – Юмын Аван Казанский



иконыжым мумо кече.

24 – Апостол-влак дене тӱр улшо кугу княгиня Ольган кечыже.

25 – Юмын Аван «Троеручице» иконыжын кечыже. Марий епархийын пайремже.

26 – Архангел Гавриилын погынжо.

28 – Апостол-влак дене тӱр улшо кугу князь Владимирын кечыже.

ШОЧМО ПӰРТӰСЫН ТУШТЫЖО ДА ЙОМАКШЕ

Советский район Шудасола ял гыч милосердий шӱжар Любовь Дмитриевна Караваева пӱртӱс нерген каласкалаш тӱналмыш деч ончыч Юмын тыге сӱрвален: «Ачан, Эргын, Святой Шӱлышын лӱмеш. Аминь. Господь, мый денем да пӱртӱсыштӧ мо лийын, уэш шарналташ, чыла умылен налаш да кагазыш возаш суапландаре. Илышнам сӱрастараш Тыйын пуымо кайык, вольык да янлык-шамыч нерген мом ужмо чыным каласен кодаш туныкто» (2008 ий, 20 февраль).

– Мый ялыште шочын-кушкынам, илышыштем Юмын полишым шуко гана шижынам. Тунам тидым але умылен моштен омыл, а кызыт шонен ӱрам. Йырымваш улшо пӱртӱсым – Юмын пуымо тӱсым – эскераш изием годсек йӱратем. Мемнан кундемна кенгежым пеш сылне, чылажат чоным куандара. Шочмо суртна мотор вершӱрыштӧ верланен: ял йыр олык, плотина марте иктаж 300 метр веле, мӱндырнат огыл чодыра коеш.

Сурт-печына йыр ача-авамын, коча-ковамын шынден кодымо ятыр пушенге, вондер кушкеш. Ачамын шындыме пӱкшерме-шамыч урем велымат, пакча могырымат пӱртнам авырат. Межаште кугу пӱнчӧ-шамыч нӱлталт шогалыныт. Пакчаште да пакча йыр олману веле огыл, тыгак ломбо, писте, куз, топыль, тумо кушкыт. Шошым чыла пеледеш, шӱшпык шӱшка, куку мур – чон йывырта!

КАЙЫКИГЕ-ШАМЫЧЫН ШКОЛЫШТ

Ушышко тӱрлӧ шарнымаш толын пура. Теве икана кенгеж кыдалне таве воктеке канаш шинчынам, а вуй ӱмбалне шырчык тӱшка чонгештылеш. Кугу йӱк-йӱаным тарватен, нуно игыштым чонгештылаш туныктат, топыль ден куз коклам эртен сенгаш таратат. Южышт але шкеныштым пенгыдын кучен огыт керт,




тунам ача-авашт полшаш вашкат. Пашам ыштыме коклаште тыгай шырчык школым кок кече эскеренам, а шкеже шоненам: «Господь Юмо чылажымат кузе тыге сылнын пӱрен?!»

Вес кечын тыгай школым чага-шамыч почыныт, игыштым чонгештылаш туныктеныт, но нуным кужун ончен шинчен от керт – пугырак чот кычкырат! Шырчыкиге-шамычын чонгештылме корнышт кок пушенге коклаште ыле гын, ниништ кушко моштат, тушко чонгештылыныт.

Чага тӱшка деч вара олагорак-влаклан черет шуын. Ниништ ешын-ешын чонгештылыт, ача-авашт кок велым эскерат, торащырак каяш таратат. Теве ик иге нойымыж дене пече ӱмбаке шинчын веле шуктыш, чот кычкырен, ача-аваже толынат шуыч, тудым чӱнгаш, шулдырышт дене лупшаш тӱнгальыч. Кайык еш шке игыжым йӱрата да чамана веле огыл, кӱлеш гын, айдеме семынак тыге пенгыдын туныктен мошта улмаш. Кузе уке гын, ончылно вет шуко нелылык вуча, сандене шке шочшыштым чыла нелылыкым сенгаш туныктат.

КУАНАН ЧИЯЛТЕНА



ИТ КОДО, ТЫЛЗЕ

Ит кодо мыйым шкетым, тылзе,
Ит шыл кавасе пыл лонгаш.

Рүпша орлангыжым шып пызле,
Ок тошт куэ тетла лүнгаш.

Йүд рүддө волгыдо да тымык,
Кава да мый – тетла нигдө,
Эртен шукерте мыйын Семык,
Туге гынат, өпкем уке.

Шкетемым ит кодо тый, тылзе.

Кечем ноен мыйым ончен,
Кеч тудо пыл лонгашке шыле,
Мый йүд каваш мутем рончем.

Людмила Семенова

ШҮЛЫК

Ик үдырамашын аваже пеш нелын сусыргенат, тудым эмлымверыш пыштеныт. Аважым төрлаташ манын, үдырамаш оксамат шуко пытарен, но врач-влак нигузе чын диагнозым шынден кертын огытыл. Икана тудо черкыш пурен, настоятельница шке ойгыжым ойлен:

– Бычышка, жапше годым эре пашам ыштенам, чыла вере шуаш тыршенам, авамын черланаш тўналмыжым шекланенат омыл. Ынде тудым эмлымверыштат нигузе төрлатен огыт керт. Мом мыланем ыштыман?

– Аватым тачак мөнгет нангай да эре пеленжак лий, – каласен священник.

Үдырамаш священникын күштымыжым шуктен, а икмынар жап гыч бачышка деке куаныше миен:

– Бачышка, те кузе каласышда, мый тугак ыштышым, да авам төрланыш. Авамнын могай чер лийын?

– Тиде черын лүмжө – Шүлык. Тудым лишыл енын йоратымашыже гына эмлен кертеш, – вашештен бачышка.



"ШҮМ-ЧОН ИЗОЛЫК" МАРИЙ ПРАВОСЛАВНЫЙ ЖУРНАЛ

Учредитель: "Руш Православный Черкын Йошкар-Оласе да Марий Элысе епархийже (Московский Патриархат)" религиозный организаций.

Журнал зарегистрирован Управлением Федеральной службы по надзору в сфере связи, информационных технологий и массовых коммуникаций по Республике Марий Эл, свидетельство о регистрации ПИ № ТУ 12-0164 от 12 декабря 2013 года.

Тираж: 1500 экз. Формат - А-4-12. Заказ №

Журнал лекме жап - 03.07.2024 ий.

0+ - знак информационной продукции согласно ФЗ от 29.12.2010 г. №436-ФЗ.

Журналым редакцийште погымо да верстатлыме. "Стринг" ИПФ ООО-што савыктыме. Адресше: 424007, Йошкар-Ола, Строитель урем, 95, 101А корпус, 12-12А пöлем.

Редакцийын да издательын адресышт: 424000, Йошкар-Ола, Вознесенский урем, 81, 224-ше пöлем.

Тел.: (88362) 45-39-54.

E-mail: marlagazet@mail.ru

Тўн редактор: Н.В. Чузаев (протоиерей).

Редакционный совет: И.А. Сапаев (иерей), Д.В. Смирнов, А.П. Чемякова, А.В. Эманова.

Компьютер дене келыштарыше: Д.В. Смирнов.

Ак - кутырен келшыме почеш. Авторын да редакцийын шонымашышт тўрлө лийын кертыт. Серыш-влак мөнгеш огыт колталт.

**РЕДАКЦИЙ ЙОДЕШ: ЖУРНАЛЫМ ШАЛА
КЫШКЫЛТАШ ОГЫЛ. ЛУДЫНАТ - ВЕСЫЛАН ПУ!**